



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarii Exegetici In Apocalypsim Ioannis Apostoli

Viegas, Brás

Parisiis, 1615

Quibus-nam ex signis diiudicari possit à fidelibus Antichristum aduenisse.
Sectio XVII.

urn:nbn:de:hbz:466:1-39261

Quibus nam ex signis diiudicari possit à fidelibus Antichristum aduenisse.

SECTIO XVII.

ILLud postremò disquirendum superest, num ex Sacris literis signa aliqua colligantur, ex quibus aduentus Antichristi certò designari possit, an verò eo non solum viuente, sed etiam regnante dubitari adhuc possit num aduenerit. Cui quaestioni respondemus pleraque esse signa notissima, quae Antichristu cum aduenerit, certò fidelibus demonstrant.

I. Primum signum ducitur ex Romani imperij in decem reges diuisione, de qua diximus sect. 10. vbi ex Daniele, & Ioane manifestè ostendimus tempore illo proximè Antichristi aduentum praecedere, fore Romanum imperium à decem regibus obtinendum. Hoc signum traditur à Paulo 2. Thess. 2. Rogamus vos, ut non cito moueamini à vestro sensu, neque terreamini, neque per spiritum, neque per sermonè, neque per epistolam tanquam per nos missam, quasi inter dies Domini: ne quis vos seducat illo modo, quonia nisi venerit discessio primum, & reuelatus fuerit homo peccati filius perditionis. Et pauld inferius, Num retinetis, quod cum adhuc essem apud vos, haec dicebam vobis, & nunc quid detineat scitis, ut reueletur in suo tempore. Nunc mysterium operatur iniquitatis: tantum ut quis tenet nunc, & neat, donec de medio fiat, & tunc reuelabitur ille iniquus. Quo loco per discessionem Apost. Romani imperij diuisionem, & euersionem intelligit. Itaque cum ait, Quid detineat scitis, significat detineri adhuc aduentum Antichristi, eo quod perduret imperium Romanum. Ita hunc locum intellexerunt D. Chryl. Theophyl. Oecumen. Ambros. in comment. Cyril. Hierosol. catechesi. 13. D. Hier. in epistola ad Algastiam q. 11. D. August. lib. 20. de Ciuitate Dei c. 29. Idem quoque affirmat Lactantius lib. 7. Diuinarum institut. c. 15. & Tertull. in Apologetico c. 32. vbi ait, fideles orare pro diuturnitate Romani imperij, eo quod intelligant Romano Imperio euerso imminere orbi extremam sub Antichristo calamitatem.

Romani imperij euersio, certò designat Antichristi aduentum.

2. Thess. 2. 1.

D. Chryl. Theophyl. Oecumen. Ambros. Cyril. Hier. D. Hieron. D. August. Lactant. Tertul.

Verum dicit aliquis, Romanum imperium iam diu omnino extinctum, & euersum esse, nec tamen Antichristum aduenire: quare non habere huiusmodi signum inter signa Antichristi aduentum proximè praecurrentia numerari. Dominicus Sot. 4. sentent. dist. 46. q. 1. art. 1. existimat per discessionem, de qua loquitur Paulus, accipiendam esse duplicem discessionem: vnam ab imperio ciuili, & temporali: alteram à potestate spiritali, & Ecclesiastica, quae Romana Pontifex obtinet, prioremque discessionem iam extare, quia nimirum temporale Romanum orbis iam cessauit: posteriores adhuc expectari, per defectionem videlicet totius orbis à Sede Romana: in cuius Sedis potestatem fuit temporale illud imperium commutatum, ut auctor est Leo Papa form. de Apostolis. Itaque utramque discessionem necessariam esse, ut Antichristus adueniat. Sed non est, cur ad hanc discessionem recurramus: etenim Romanum imperium adhuc perdurat in Germania, nomenque atque successio imperatorum Romanorum: nam cum defecit in occidente Romanum imperium, permansit in Oriente: & iterum, quonia imperium euertendum erat à Turcis, non sine Diuina providentia erectum est imperium in Occidente per Carolum magnum regem Franciae, qui à Leone tertio fuit Romanus electus, & declaratus Romanus imperator, cui deinde vsque ad hodiernum diem successerunt imperatores in Germania, Enim verò ad utrumque imperium Orientale nimirum, & Occidentale adumbrandum, statua illa Nabuchodonosori ostensa Daniel. 2. in typum Romani imperij, quod Orientem, & Occidentem sua amplitudine

II. Insuper obiecto.

Domi. Sot.

D. Leo. Delatur obiecto.

Imperium Roman per durat adhuc.

Daniel.

VIE
Apoc
17
23

plitudine coercuit, duabus tibiis nitebatur: ad idēque significandum in orbis descriptionibus, magna Aquila cum duplici capite depingitur, quæ insigne est imperij Romani, ut orbem uniuersum, bipartito Romani imperio Orientali videlicet, & Occidentali, subiectū intelligamus. Nec vero, quicquā obest, quod hodie Roma imperatori Romano non pareat, id enim ad imperium Romanū minime pertinet, siquidem Arcadius, & Theodosius iunior, & reliqui vique ad Iustinianum imperatores Romano fuerunt, nec tamen Romanæ vrbis imperarunt.

Secundum signum ponitur à quibusdā, defectio vrbis Romæ à Romano Pontifice, quam defectiōnem ad totum orbē extendit Dominicus à Soto loco paulò ante citato. Quæ de re quid nos sentiamus dicemus ad cap. 17. Tertiū signum est Euāgelij toto orbē prædicatio: debere enim hoc aduentum Antichristi præcedere per scriptum est ex Matth. 24. *Prædicabitur hoc Euāgelium regni in uniuerso orbē in testimonium omnibus gentibus, & tunc veniet consummatio.* Ita etiam docent D. Hilarius canone 25. in Matth. Cyrillus Hierosol. catechesi 15. Theod. super 2. ad Thessal. 2. & Patres communiter. Hoc signum nondum esse cōpletum, patet ex eo, quod multæ etiā nunc existunt gentes, nationesque amplissimæ, quibus adhuc Euāgelica tuba non insonuit. Nam quod Apostolus ait ad Rom. 10. *Nunquid non audierunt? & quidem in omnem terram exiit sonus eorum, & in fines orbis terra verba eorum.* Et ad Coloss. 1. *Propter spem, quam audistis in verbo veritatis Euāgelij, quod peruenit ad vos, sicut & in uniuerso mundo est, & fructificat & crescit.* Et iterum: *Quod prædicatum est in uniuersa creatura quæ sub celo est, proculdubio non accipiendum est de toto orbē simpliciter, sed figuratè, accepta parte pro toto: quemadmodum & Luca 2. cum dicitur: Exijt edictum à Casare Augusto, ut describeretur uniuersus orbis.* Quod autem Christus dixit priusquam veniat Antichristus, Euāgelium toto orbē esse prædicandum, simpliciter, & absolutè intelligendum est, ut omnibus orbis prouinciis, & gentibus, Euāgelium denuntietur, quemadmodum conceptis verbis docet August. epist. 80. ad Hefychium, vbi locum illum Pauli citatum, acceptum à regio Vate. *In omnem terram exiit sonus eorum.* Alia quoque responsione interpretatur, ut nimirum Paulus, quod futurum erat diceret, nō quod iā erat factum, atque cōpletum, more scripturæ, quæ propter vaticiniij firmitatem de futuris tanquā de præteritis loquitur, *Quæ uale est, inquit, illud Psalmi: Foderunt manus meas, & pedes meos, quod tam longe postea actum nouimus.* Id quod manifestum esse cōfirmat ex eo, quod huiusmodi vaticinium nondum suo tempore cōpletum esset. Est ergo D. Augustini sententia prius toto orbē simpliciter, hoc est omnibus gentibus, ac prouinciis, Euāgelium prædicandum, antequam Antichristus adueniat. Idēque sentit Hieron. in commēt. super Matth. 24. Accedit & ratio, quæ affert Sotus in 4. dist. 46. art. 1. Cum enim gentes reprobare debeant, quod fidem Christi non receperint, iuxta illud Marc. 16. *Qui uerò non crediderit condemnabitur, necesse plane est, ut illis Christi fides denuntietur, quod postea in rebelles iusta damnationis sententia ferri possit.* Quam ratiōnem etiā innuit Christus illis verbis Matth. 24. *Prædicabitur hoc Euāgelium regni in uniuerso orbē in testimonium omnibus gentibus.* In quem locū D. Hieron. *Signum, inquit, Domini aduentus est, Euāgelium in toto orbē prædicari, ut nullus sit excusabilis.* Atq. hæc tria signa præcedere debēt Antichristi aduentū, quæ sequuntur ipso Antichristo iam regnante contingent.

Quartum signum erit grauissima, & multique nouissima toto orbē Christianorum persecutio, ita ut omnia Christianæ religionis officia, caritoniæ, sacrificia, Sacramentorum ritus, Ecclesiæque sanctiones penitus aboleantur, quoad publicam celebritatem, in eo enim potissimū debet omnis Antichristi certare

Aquila cum duplici capite in orbis descriptionibus depicta, quid designat.

III. Euāgelij toto orbē prædicatio signum aduentus Antichristi. Matth. 24. 14. D. Hilarius, Cyril. Hier. Theodo. Multis adhuc gentibus Euāgelica tuba non insonuit. Rom. 10. 1. Coloss. 1. 5. 23. Luc. 2. 3.

D. August. Psal. 18. 5.

Psal. 21. 17.

D. Hieron. Sotus. Marc. 16. 16.

Matth. 24. 14. D. Hieron.

III. Publica toto orbē cessatio à diuinis, signū aduentus Antichristi.

industria, vt Christi, optimi, & maximi nomen, memoriã que extinguat, cuius persecutionis acerbitatem significauit Christus Matt. 24. *Erit tunc tribulatio magna qualis non fuit ab initio mundi usque modo, neque fiet.* Id quod magno cum animi sensu lamentatur Hippolytus Mart. orat. de consummat. mundi. *Templa, inquit, Diuina, domarum instar erunt, locis omnibus euerfiones fient Ecclesiarum, & scripture contemnuntur, haustu illius canticã ubique decantabunt; nulla erit reuerentia rerum sacrarum: nulla religio temerare, ac violare diuina: lugerunt Ecclesia luctu magno, quia nec oblatio nec sufficiens pietas, nec cultus Deo gratus, sed Ecclesiarum ades sacra, tugurij instar erunt.* Quintum erit summa morum toto orbe licentia, nullã enim leges erunt ad pietatem, iustitiã que pertinentes, sed omnes, vt ait Hippolytus, pro suo viuent arbitratu. Illud vnum Antichristus præcipiet, vt seipiam omnes tanquam Principem, Deũque agnoscant: reliquam omnem vitã rationem integram cuique permittet: ex quo fiet, vt iura omnia, tum Diuina, tum humana, vbique violentur, atque adeo maxima omnium rerum publicarum confusio, & perturbatio, consequatur, vt fuse Hippolytus persequitur.

Sextum, erit character Antichristi, quem omnes eius sectatores in fronte, aut manu dextera impressum gestabunt, vt hoc ipso cap. diximus Exegeticor. se. 7. Septimum erit numerus nominis Antichristi conficiens summam sexcentorum sexaginta sex, de quo multa, se. 1. Octauum erit Enoch, & Helia prædicatio, de qua fuse disputauius ad cap. 11. Ex his manifestum relinquitur Antichristũ nondum venisse: nam quod Apostolus ait 2. ad Theosal. 2. *Mysterium iam operatur iniquitatis. Et Ioannes epist. 1. cap. 4. Omnia spiritus, qui soluit Iesum ex Deo non est, & hic est Antichristus, de quo audistis quoniam venit, & nunc iam in mundo est:* non de Antichristo in persona, sed de Antichristo in suis præcursoribus, hoc est, Hæreticis, & tyrãnis accipiendum est. Etenim per *mysterium iniquitatis*, Neronis persecutionem intellexit D. Chrysof. & D. Ambr. Hæreticos autem Theodoret. & Sedul. in eum locum, & D. August. lib. 20. de Ciuit. Dei c. 19. Simul refelluntur multi, tum hæreticorum, tum catholicorum errores, Antichristum iam aduenisse affirmantiũ: contra quos copiose disputat Bellarm. 1. tom. controuerf. lib. 3. disput. de Antichristo c. 3. Quantum autem temporis adhuc vsque ad eius aduentum superfit definiti non potest, cum incertum sit, quanto tempore mundus debeat perdurare. Nam quod quidam ajunt, mundum sex tantum annorum millibus duraturũ, incertum plane est, temerẽque affirmatur, quã opinio fuit veterum Hebræorũ, imo & multorum Patrum, quos ad initium huius operis citauimus, cap. 1. super illa verba, *Qua oportet fieri cito.* Atque hæc de Antichristo dicta sufficiant.

2. Theff. 2. 7.
1. Ioan. 2. 3.
Antichristus dicitur iam venisse in suis præcursoribus.
D. Chryf.
D. Ambros.
Theod.
Sedulius.
D. August.
Bellarmus.
Illius aduentus nullus certus terminus definitur potest.

ARGV-